



Vogošća, ul. Jošanička br. 80, tel: 00387 33 586 413,

Broj: 03-15-1662/24

Datum, 25.09.2024. godine

JAVNI POZIV ZA UČEŠĆE NA OBUKAMA „OSMISLI SVOJU IDEJU” I “ZAPOČNI SVOJ POSAO ZA NEZAPOSLENE OSOBE” I DODJELI SREDSTAVA U OKVIRU PROJEKTA „VOGOŠĆA, ILIJAŠ I HADŽIĆI OSPOSOBLJAVAJU RADNIKE KROZ LOKALNO PARTNERSTVO - VIHOR“

Općina Vogošća, u ime VIHOR partnerstva poziva sve zainteresovane osobe koje žele pokrenuti vlastiti posao da se prijave za učešće u programu podrške razvoju malih biznisa. Program podrške realizuju partneri u okviru projekta „Vogošća, Ilijaš i Hadžići osposobljavaju radnike kroz lokalno partnerstvo - VIHOR“ koji se provodi u okviru projekta „Podrška Evropske unije lokalnim partnerstvima za zapošljavanje – Faza II“ koji finansira Evropska unija a realizuje Međunarodna organizacija rada.

Cilj poziva

Javni poziv je usmjeren prema nezaposlenim osobama sa područja općina Vogošća, Ilijaš i Hadžići koje žele pokrenuti vlastiti biznis uz finansijsku i savjetodavnu podršku navedenog partnerstva.

Ciljna grupa korisnika programa podrške

Pravo na učešće u programu podrške razvoju poslovnih ideja i biznisa, imaju nezaposlene osobe registrovane na evidenciji Službe za zapošljavanje Kantona Sarajevo – biroi Vogošća, Ilijaš i Hadžići, koje žele registrovati posao na području općina Vogošća, Ilijaš i Hadžići. Prednost za sudjelovanje u procesu pružanja podrške razvoju poslovne ideje i biznisa, imat će:

- mladi muškarci i žene (15-29),
- dugotrajno nezaposlena lica koja su registrovana na evidenciji Službe za zapošljavanje Kantona Sarajevo duže od godinu dana,
- otpuštene, nezaposlene osobe preko 50 godina starosti,
- nezaposlene osobe sa nižim stepenom obrazovanja ili bez formalnog obrazovanja.

Kandidati trebaju imati:

- Visok nivo motivacije za pokretanje samostalnog biznisa
- Određena vlastita sredstava za poslovanje
- Obrazovanje za iste ili slične poslove
- Sposobnost analitičkog razmišljanja za definisanje jasne poslovne ideje

Opis podrške

Osobe zainteresovane za razvoj poslovne ideje i pokretanje vlastitog biznisa, mogu se prijaviti putem namjenski dizajniranog prijavnog obrasca za sudjelovanje u programu, najkasnije do 18.10.2024. do 12:00 sati.

Program podrške za ukupno 40 kandidata bit će realiziran etapno, na način da će se odabrati 2 grupe sa po 20 kandidata za sudjelovanju u programu, i to:

- 1. grupa, u periodu od 28.10.2024. do 13.12.2024. godine
- 2. grupa, u, u periodu od 13.01.2025. do 21.02.2025. godine

Kandidati, čija prijava bude prihvaćena od strane Komisije za odabir korisnika programa, dobit će priliku da učestvuju u programu „Započni svoj posao“, u okviru kojeg će steći znanja neophodna za razradu poslovne ideje i kompletiranje poslovnog plana u trajanju od šest dana (3x2 dana obuke).

Nakon obuke, korisnici će svoj poslovni plan prezentirati Komisiji za procjenu poslovnih ideja koja će odabrati ukupno 10 poslovnih planova, čiji nositelji će dobiti finansijsku i savjetodavnu podršku za razvoj biznisa.

Finansijska podrška za pojedinačni poslovni poduhvat iznosi do 3.000,00 USD, u zavisnosti od složenosti poslovne ideje. Sredstva se mogu iskoristiti za sufinanciranje nabavke opreme, osnovnih sredstava za rad i potrošnog materijala. Sredstva su nepovratna uz uslov da se u cijelosti koriste za razvoj registrovanog biznisa.

Savjetodavna podrška će u prvoj fazi biti omogućena za najviše 40 kandidata, koji su na bazi vlastitih poslovnih ideja, odabrani za sudjelovanje u programu podrške. Tokom šestodnevne obuke „Kako doći do poslovne ideje“ i „Kako pokrenuti posao“, kandidati će imati priliku da usvoje nova znanja za razvoj poslovne ideje i objedinjavanje poslovnog plana:

- Plan poslovanja
- Konsolidovanje poslovne ideje
- Marketing plan
- Zapošljavanje
- Organizacija i upravljanje
- Nabavka
- Utvrđivanje troškova proizvoda i usluga
- Finansijsko planiranje
- Početni kapital
- Dorada poslovnog plana

Drugi nivo savjetodavne podrške biće omogućen za najviše 10 kandidata, autora najbolje ocjenjenih poslovnih planova. Ovaj paket podrške podrazumijeva kontinuiranu saradnju sa kandidatima i savjete prilikom registracije i daljeg razvoja biznisa. Vlasnici novoregistrovanih firmi/obrta će biti u obavezi sudjelovanja u petodnevnoj obuci „Unaprijedi svoj posao“ i „Digitaliziraj svoj posao“ koja obuhvata sljedeće module:

- Troškovi
- Marketing
- Planiranje poslovanja
- Nabavka i kontrola zaliha
- Knjigovodstvo
- Ljudi i produktivnost
- Digitalizacija poslovanja

Ovako kreirana podrška osigurava dugoročan razvoj najboljih poslovnih planova i smanjuje rizik od stagnacije u poslovanju, odnosno potencijalnog zatvaranja firme/obrta.

Finansijsku i savjetodavnu podršku pružaju članovi partnerstva, odnosno treneri za provedbu MOR-ovih paketa „Pokreni svoj posao“ i „Unaprijedi svoj posao“.

Prava i obaveze korisnika programa podrške

Korisnik potpisuje ugovor sa Općinom Vogošća putem kojeg prihvata tehničku i finansijsku podršku od strane partnerstva, koja može uključiti i opremu potrebnu za realizaciju poslovnih planova.

Korisnik se obavezuje koristiti sredstva podrške na primjeren način u skladu sa njihovom namjenom. Korisnik preuzima punu odgovornosti za pravilno rukovanje dodijeljenom opremom, ukoliko ona predstavlja dio podrške i obavezuje se:

- da vodi savjesnu brigu o opremi i da brine o ispravnosti opreme za vrijeme držanja i korištenja iste;
- da učestvuje u obukama koje organizuje partnerstvo i primjenjuje savjete od strane stručnog osoblja partnerstva;
- da omogući predstavnicima partnerstva, MOR-a ili donatora nesmetan pristup i uvid u tražene informacije o opremi i ostalim sredstvima podrške i stepenu realizacije njihovog korištenja;
- da obavijesti partnerstvo, bez odgađanja, a najkasnije u roku od 24 sata, u slučajevima oštećenja ili nestanka dodijeljene opreme ili gubitka sredstava;

Korisnik za vrijeme perioda korištenja ne može dodijeljenu opremu ili njeno korištenje prenijeti na treće lice, otuđiti ili opteretiti opremu ili na bilo koji način omogućiti trećim licima korištenje opreme.

Korisnik se obavezuje prisustvovati svim stručnim obukama i treninzima koje organizuje partnerstvo za korisnike Projekta, te aktivno učestvovati u programu mentorstva organizovanom od strane partnerstva.

Odustajanje od sudjelovanja u programu obuke

U slučaju da korisnik iz bilo kojeg razloga, osim razloga više sile, odustane od sudjelovanja u prvom dijelu programa, odnosno za vrijeme obuke, ugovor se može prekinuti uz uzajamnu saglasnost.

Ukoliko korisnik odustane od programa nakon što je njegova poslovna ideja prihvaćena i sredstva doznačena na račun, korisnik mora sva sredstva vratiti na namjenski projektni račun općine Vogošća najkasnije u roku od 15 dana od prekida ugovora.

Zainteresovani kandidati treba da popune prijavni obrazac, koji je dostupan na web stranicama općina Vogošća, Ilijaš i Hadžići, kao i na web stranici Službe za zapošljavanje Kantona Sarajevo.

Rok za podnošenje prijava je 18.10.2024. do 12:00.

Popunjen prijavni obrazac sa dokumentacijom se dostavlja na protokol Općine Vogošća (u pisanom obliku zapakovan u kovertu) sa naznakom:

Općina Vogošća, Jošanička 80, 71320 Vogošća sa naznakom: "Prijava na Javni poziv "Osmisli svoju ideju" i "Započni svoj posao" u okviru projekta „Vogošća, Ilijaš i Hadžići osposobljavaju radnike kroz lokalno partnerstvo - VIHOR“

Nepotpune i neblagovremene prijave neće biti uzete u razmatranje

Za dodatne informacije možete kontaktirati:

- Kenan Alikadić, e-mail: kenan.alikadic@vogosca.ba (033/586-420)
- Harun Rizvanbegović, e-mail harun@serda.ba (033/641-520)


OPĆINSKI NAČELNIK
Hasanović
Migdad Hasanović